

<sup>19</sup> Man Foola, mà mōma man foorā tintii, na: «maa mà ηmεlg-v». ζ Mà ta haar mà deedg-v na v`neermii ba na fōmr diir nii vn bee n mana? <sup>20</sup> Hai, teela! T`Berm Krista kaa, hee-ma man gbaam-v bii ka bo na l`doolg mà kwεεwr.

<sup>21</sup> Mà foorā-v wadgankena ka ba n daaǰb na ba v`he bii man gbaam-v bii. Mà miil hōm na ba v`he welee l`yatg. <sup>22</sup> Ta lag v`bag-ma kan gbalan̄a. Biilm, mà daaga na n`seen̄b ba b`tōrg bà ree-ma sargan mà ηmetgn n`man.

### Seenkaawrb

<sup>23</sup> Hefafraasa seen̄a-v. H̄à ta ba mà man sargan Yeesu Krista kaa. <sup>24</sup> Mà ηmεεheedtuurmba Markuuswu n H̄ariistarkwu n Dεmaaswu n Lukaas bà ta seen̄a-v.

<sup>25</sup> Berm Yeesu Krista hōmgu bεm n`man!

# HEBRMBA

wadga ban da hōd-ba kee

————— B`ba wadgankenan bii —————

*H̄ii kpaa mi h̄à hōd wadgankena wii hidr. H̄à hōd-ka wii miil Grεεs tiiba kowt ka ta mi Tuurnkpeemtn wadiin gwεεt hōm. H̄à hōda-ka Yuudaa Krista tiiba biiba, h̄ii kpaa mi na teba mōmba. Welee tiibee bōrii ηmeenm. Lee, bá ni biiba t ka bo na bà bōrii bà gwεεt h̄en tiim. Tii nii wadgee tia nn bo na h̄à hewl-ba weriib, h̄à lag h̄à si-ba ηmeenm. Biilm, h̄à bōhōō na Sangband da to Yeesu Kristwu bermt sangbantumtba n Tuurnkpeemtn gwεεt bōhōōtba n gotibermba jugun, n lo-wu gotibermt na h̄à lo tuurnkwεεnt d`n nidba l`huuga. Tii sahl-ba huru na bá yuun̄ jugu dah̄b.*

- *Hubi1<sup>ga</sup> kakehnan hubi4<sup>ga</sup> vug13<sup>un</sup>, h̄à hōd wadgee wii weraa na Yeesu Krist nii Sangband Budaaga. Na h̄à ba n gemmnt ka yata l`mεnguu.*
- *Hubi4<sup>ga</sup> vug14<sup>u</sup> kakehnan hubi10<sup>na</sup> vug18<sup>un</sup>, h̄à hōd wadgee wii weraa na Yeesu Krist nii tuurnkwεεntn gotiberma. Wii ba hayen welee. H̄à gotiit kpaa tagd nidba sent. H̄à logra h̄à neerm n vidm myenm welee kpaalaa. Tuurnkpeemtn gotiiba lee, bee da h̄ena vit ka lil. Bà da lagaa taa na kuum da kpaa saa na bá neer kakehnan. Yeesu Krist lee, wii neera kakehnan.*
- *Hubi10<sup>na</sup> vug19<sup>u</sup> kakehnan hubi13<sup>gan</sup>, h̄à hōd wadgee wii sahl Krista tiibee ηmeenm na bá kpat bà mad bá gwεεt h̄en tiim. H̄à logl bá yandaba gwεεt h̄en tiim ka tōō-ba tōniiga na bá jum laklb n tarmga jugun.*

## NIDA BUDAAGA

## Sangband rea dyen ka weraa ka tagaa n d` Budaaga

**1** <sup>1</sup> Weem Sangband da tag n \*gwæst bɔfɔɔtba n gwæɛl n t` yandaba tɔmb kɔd n beeb jugu jugu. <sup>2</sup> Gokaawranhenan d` gwæɛl n tn ka tagaa n d` Budaaga. Sangband lo-ka na ká nan hefm want ment, d` ta tag n kee le n ree tant. <sup>3</sup> Ká beeb weraa Sangband nyɔkb. Kee nnii Sangband taangu mɔmgu. Ká gwæst ba n gemmnt ka mad tant. Ká higdg nidba fubehii safn n san n kal kayen Sangband najuudu hen sangbambiimn. Dii nnii gemmbermt tia.

<sup>4</sup> Welee nnii Budaagee nn yatg \*sangbantumtbee membee, lee, Sangband t safm-ka hidhɔmr mɔmr d` yata bá refa.

## Sangband Budaaga ba berm ka yata sangbantumtba

<sup>5</sup> Biilm, ¿ sangbantumt wen nnii Sangband nyin bed na:

« Ven nnii mà budaaga,  
l`log jana l`san n nɔngan  
man nnii v`sa<sup>Z</sup>»?

Laa, ¿ «mà kee mà bɛm na há sa  
wii ba na mà budaaga?»?

<sup>6</sup> Ln da la ba na Sangband tamn d` Budaaga ln foog n maadm tant hen kee lee, d` bɔfɔɔ na:

*Sangbantumtbee membee ba bà gbafntm dind ká nɔngan<sup>Z</sup>.*

<sup>7</sup> L`hel \*sangbantumtba lee, Sangband t bɔfɔɔ na:

*d`hɛna d`tumtba kita ham,  
ka hɛna d`ɲmɛhɛedba kita bogm<sup>Z</sup>.*

<sup>8</sup> L`hel d` Budaaga lee, d` bɔfɔɔ-ka na:

«*Hoo, Sangband!*  
*v`huraant jarga ba kà bɛm kakehnan.*  
*V`huraant dabiir ba d` ta bɛm kakehnan.*  
*V`huraant ba na gobiint retn.*

<sup>9</sup> *Sokla bii b`ba hɔm bii*  
*ka nyahaa bii b`kpañ hɔm bii.*  
*Wo ln ba welee lee,*  
*ven, ven boo Sangband ven,*

**1.5** Gwæetii ba Yum2<sup>gan</sup>.7. **1.6** Gwæetii ba Yum97<sup>an</sup>.7.

**1.7** Gwæetii ba Yum104<sup>gan</sup>.4.

*miim na Sangband mɔmr vu v`jugun tlaara kpaam,  
lee, n bant-v v`hurtaaba huuga<sup>Z</sup>!»*

<sup>10</sup> D`ta beda na

«*Tant nn ba lee,*  
*Saberma,*  
*ven da sowlg-t, n sangbambiimii meh'.*  
*Vn da her bii nnii weem kɔɔdn.*

<sup>11</sup> *L`menguu ba l`bɔr.*

*Ven lee, vii bee wai meniin.*  
*L`menguu boo dimr,*  
*d`budan,*

<sup>12</sup> *v`lagaa l`menguu*

*wo ban lagaa dimt*  
*ka kɔñ kpeemt lee.*  
*Ven lee, vii ba yenmii.*  
*Vii neerm kpa d'haa<sup>Z</sup>.»*

<sup>13</sup> ¿ Sangbantumt wen nnii Sangband nyin bed na:

«*Daan v`kad mà najuudu hen,*  
*maa mà he v`rafeedba bɛm v`nakpai kwɛɛn,*  
*lee, v`nawdrm-ba<sup>Z</sup>»?*

<sup>14</sup> Sangbantumtbee membee ba na vofoom m` hɛna Sangband ɲmɛɛgb mii nnii. D`tuuna-ba bà tɔra biiba bá ba bà yuun jugu dahb bee.

## Lɔɔm-n nɔmb jugu dahb Budaaga nn daan n bii hen!

**2** <sup>1</sup> Tii nnii ln ba na t`lɔɔm nɔmb hɔm bii tn kewii bii jugun, ka bo na l`daa saa na t`bɔr.

<sup>2</sup> Ka l`ba biilm na l`ba na gwæst \*sangbantumtba nn da fan tii hɛna t`jugun, ka ta ba biilm na bá hɛna bɛhgu mengu ka kpa vala Sangband bee sohdg fat l`magr n bà bɛhgu tii de, <sup>3</sup> ¿ lan nnii tn kee t`bee t`fetg Sangband nuhun ka t`nim jugu dahb mɔmb? Berm nnii noogr na hà fan jugu dahb gwæetii. Bá homr Berma noon bee da ta beda-t ka higr t`jugun. <sup>4</sup> L`saa, Sangband t ta fig t`jugun ka tagaa n ɲmɛɛgt t`weraa d`gemmnt tii n hoolgu jugu jugu n nan \*Vofoom Buudm dn raar d`sɔklbn mii.

**1.8-9** Gwæetii ba Yum45<sup>gan</sup>.7-8.

**1.10-12** Gwæetii ba Yum102<sup>gan</sup>.26-28.

**1.13** Gwæetii ba Yum110<sup>an</sup>.1.

He

**Sangband lo want mɛnt d' Budaaga kwɛɛn**

<sup>5</sup> Biilm, Sangband ba lo tant t' kena n nɔngan tii \*sangbantumtba gemmnt kwɛɛn. Welee tantii gwɛɛt nii tn gwɛɛla. <sup>6</sup> Yanta hii bɔfɔɔ \*Wadbuudga riikan na:

«*Hoo, Sangband!*

*¿Wen nii nid na v' geem n hà wee?*

*na ¿Wen mɔm nii nid na v' luum n hà wee?*

<sup>7</sup> *Gwentah, v' hohf-wu sangbantumtba kwɛɛn, l' ka ba hiidg, v' sah-m-wu hidbermr n hɛm há ka ba bermwu kpaalaa.*

<sup>8</sup> *Lo-wu want vn her tii mentii jugu tia<sup>Z</sup>.*»

Ka Sangband t lo wantii mentii nida kwɛɛn, welee bo na l' biir na bii kpañ rii felah ka kpañ há kwɛɛn. Ngu hal n jana, t' yul na wantii mentii la kpañ hà kwɛɛn. <sup>9</sup> Gwentah, tn yu bii nii na Sangband hohfg Yeesuwu sah sangbantumtba kwɛɛn, l' ka ba hiidg. Biilm, d' hera welee ka bo na há di kunyɔɔn hà kpi baawena kaa. Sangband hɔmgu dn her-t kuu nii. T' yul-wu gwelɔa há hugl n nyɔkb n jeenlb kuum han kpiir mii kaa.

**Sangband Budaaga nii nidba teela**

<sup>10</sup> Sangband rea want mɛnt ka mad tant d' kwɛɛn, l' ba na l' da magra n dn na d' vii Yeesua, hà kitg hɔmwu kpaalaa ka tagaa n kunyɔɔn. D' da hɛna welee na d' kpañaa d' bii d' jiblg d' nyɔkbn. Yeesua rawda-hi jugu dahb huru. <sup>11</sup> Biilm, há higda nidba bɛfɔɔ n ln higdg bá bɛfɔɔ bee, bá mɛmbee rɛn sa yena man. Tii kaa nii han kpañ n jiwfi na hà hohm-ba na há teelba <sup>12</sup> há wen da bed Sangband na:

*Hà kee hà bɔfɔɔm há teelba d' gwɛɛt,*

*na hà kee hà nyɔkm-d bá door-d tinjan bee kpaturun<sup>Z</sup>.*

<sup>13</sup> Há ta bɔfɔɔ na:

*Wii lee, hà kee hà lɔɔm há daagbii mɛmbii d' jugun*

n ta bɔfɔɔ na:

«*Kpay-n má n bii Sangband nn to-ma hii!*»

<sup>2.6-8</sup> Gwɛɛtii ba Yum8<sup>9an</sup>.5-7.

<sup>2.12</sup> Gwɛɛtii ba Yum22<sup>9an</sup>.23.

<sup>14</sup> Wo *biihii* nn ba na nidban lee, Yeesua t ta kit nida. Há kit nid na hà kpi ka bo na hà wadr há mad kuum gemmnt wii. Wii nii Kunida. <sup>15</sup> Há hera welee na hà ree bá da sol kuum n kpat n ka ba yuumntn bá neermii mɛnmii bee.

<sup>16</sup> Lag \*sangbantumtba nii Yeesua nn kena na hà tɔrg, hà kena na hà tɔrg \*Habrahaama buudm. <sup>17</sup> Tii kaa nii ln da ba na há lɔg há *teelba* beebii mɛmbii. Welee nii han da ba hà bee hà kitg bá \*gotiberma ka yu nidba higm ka nawr n Sangband ηmɛɛgb, ka bo na hà kpii há tigr fubɛhii. <sup>18</sup> L' lo hà mɔmwu tarmgan kɔd, há jum kunyɔɔn jugu jugu. Welee kaa nii han ba hà bee hà sohdgm bá ba tarmgan bee.

**Yeesua ba berm ka yata Mohiisa**

**3** <sup>1</sup> Teelba-n, n' ba na Sangband reban. Dii hoh-n. Tii lee, tɔfr-n n Yeesua wee! Wii nii tumta, wii nii \*gotiberma nn tia hà hɛn wii. Welee tiimii nii nn rea ka bɔfɔɔ na m' ba gobiint. <sup>2</sup> Biilm, Sangband da lo-wu welee ηmɛɛgbii. Yeesua *kpat ka nawr n Sangband* wo \*Mohiisa nn da ta nawr n *Sangband haar ηmɛɛgb* lee. <sup>3</sup> Sangband t yum na Yeesua mag na hà sohdg jeenlb kɔd l' yatg Mohiisa. Biilm, hii há mɔñ haar wii nii ban jeenla l' yata haarii mɔmr. <sup>4</sup> Haar ba n d' mɔñda. L' ba na há ree l' mɛngu wii nii Sangband.

<sup>5</sup> Sangband lo d' daagb Mohiisa hɛn na *hà da nawra n d' haarii mendii ηmɛɛgb*. Da hà ηmɛɛgb nii na há bɔfɔɔm tigr bii Sangband nn da rea ka bɔfɔɔ-wu l' hel b' kena n nɔngan n bii. <sup>6</sup> Krist lee, d' lo d' daagb hà jugun na wii nii d' Budaaga. Dii lo-wu na haarii jugu tia. Welee haarii ba na Sangband redn. Ten lee, t' ba na haarii mɔmrn ka t' kpat n ka ba n daagb Sangband hɛn ka kpaal ligwa, ka nyɔka tyen tn daag b' jugun bii kaa.

He

**Bá tia Sangband hɛn bee nan jiba d' vofoorn**

<sup>7</sup> Tii kaa nii \*Vofoorn Buudm nn bɔfɔɔ na

*Jana, ka n' hom Sangband noor,*

<sup>8</sup> *daa ta haflg-n n' juuni*

*wo n' yandaba nn da her kparamkparmgun lee!*

<sup>9</sup> *Sangband bɔfɔɔ na:*

«*L' goorii, bà da tarm-ma*

*n bagm-ma n gwɛɛt,*

ka la nyaan bii man her-ba

<sup>10</sup> kakehnan bina kwehnaa bii.

Welee lee, waagee t ror-ma loogu.

Má bōhōō na tigrndina tiln,

nidbambena ba miig man bag bá man bii.

<sup>11</sup> Tii kaa nnii man da fēd n kwεεwweerga na

bà nan kpaā jiba vohoolan̄a mà nn bagm-ba keen felah'z.»

<sup>12</sup> Mà teelba-n, mug-n nyen hōm! N`ni hii daa neer ka ba n kwεεwweh̄r h̄a jugun haf̄r kakehnan na l`san l` saa h̄a gwid Sangband kaawr! Dii neeran. <sup>13</sup> Sahn-n taa n̄meenm goor wo goor kakehnan goor ln hōh \*Wadbuudgan na "jana" dii! H̄em-n welee ka bo na fubeh̄ga daa b̄em n gemm̄nt na k̄a hogl k̄a haf̄lg n`ni hii jugu! <sup>14</sup> T` kitg Krista tuurmba ka l` la ba na t` kpat n ka figr kakehnan daaḡb tn da foog n sohd weem bii jugun.

<sup>15</sup> «Jana, ka n`hom Sangband noor,

daa ta haf̄lg-n n`juuni

wo bá da vidg d`jugun bee'z!»

¿Lag Vohoom Buudm nn da bed nnii?

<sup>16</sup> ¿Teba nnii bá homr Sangband noor n vid d`juguni? ¿Lag Mohiisa nn ree \*H̄ejift tantn bee m̄embee? <sup>17</sup> ¿Teba da red Sangband loogu kakehnan bina kwehnaa? ¿Lag bá da her fubeh̄ga n k̄piidr n ka door k̄pamk̄parmgun bee? <sup>18</sup> ¿Sangband da ba gbu n foorm na bà nan kpaā jiba k̄orgu dn maantr na bá vohoo kuu ni? ¿Lag bá da ba valg bee nnii dn da bed?

<sup>19</sup> Tn yu bii nnii na bà da ba bee na bà jib vohoor k̄orguun na bà da haf̄lg bà juuni.

**4** <sup>1</sup> Sangband da beda d`reba n dool na bà kee bà bee bà jib vohoolan̄a dn maantr n dool-ba keen. Welee gwεεtii la ba t` jugun n jana. Tn mug-n nan tyen hōm ka bo na t`ni hii daa kpat kaa! <sup>2</sup> Biilm, bà fana-t welee gohōmtii wo ban da ta fan-t \*Yisraheel tiiba lee. Gwentah̄, bee nn da homr tii t ka ba t̄org-ba l`bahr n na bà homra-t n ka ba tii t`hen. <sup>3</sup> Ten tia Sangband hen ten, t`nan jiba Sangband vohoor dn gwεel l`hel diin. Biilm, d`beda na:

«Tii kaa nnii man da fēd n kwεεwweerga na

bà nan kpaā jiba vohoolan̄a mà nn bagm-ba keen'z.»

3.7-11 Gwεεtii ba Yum95<sup>9an</sup>.7-11. 3.15 Nyaan vugi 7-8. Gwεεtii ba Yum95<sup>9an</sup>.7-8.

4.3 Gwεεtii ba Yum95<sup>9an</sup>.11.

Welee gwεεtii nnii Sangband nn da bed d`wen da toglg tant reem. <sup>4</sup> Biilm, l`hōda \*Wadbuudgan na: Dn da felg d`n̄mεεḡb m̄emb h̄εb lee, n vohoo goleblr goor. <sup>5</sup> L`ta lila bōhōōb na: «Bà nan kpaā jiba vohoolan̄a mà nn bagm-ba keen.»

<sup>6</sup> Noogrba nn da sohdg gohōmtii n ka ba jib vohoolan̄een na bà da ba valg lee, l`sahl nan volba huru na bá jib kan. <sup>7</sup> Tii nnii Sangband nn lil gojeend bahm. D`hohl goorii na «jana». Kaa n kaan nnii dn tag n \*Daviid n bōhōō na:

«Jana, ka n`hom Sangband noor,

daa ta haf̄lg-n n`juuni'z!»

<sup>8</sup> Biilm, ka Yoosua t da jiblg-ba vohoolan̄een, d`da kpaah d`hel d`ta gwεelm gojeend diir gwεet n kaann. <sup>9</sup> Tii nnii ln la tōl nan Sangband tigr vohoor diir d`tōn \*Saabaat goor. <sup>10</sup> Biilm, hii h̄a jib Sangband vohoor n wii ta vohaa h̄a n̄mεεḡb kaa wo Sangband nn vohaa d`reb kaa lee.

<sup>11</sup> Tn nakm-n nan t`ni na t`jib vohoolan̄een ka h̄ena hōm na t`ni hii daa kir na h̄a valg, l`saa na h̄a lor wo Yisraheel tiiba nn da her lee. <sup>12</sup> Sangband gwεet neera ka ba n gemm̄nt. T`ba deem ka yata hoodjuuga k̄a ba noora hareh̄ kee. T`jiba ka rada lilligu n vohoom l`huuga, ka sada toga n giilm l`huuga. T`jahwa nida kwεewr n h̄a jugun diila. <sup>13</sup> H̄á ba na gwεet wii nn ree bii m̄embii ba wiingan h̄á nongan, bii kpaah-wu fohm̄gan felah'. H̄á nongan, l`menguu ba feelgan. Wii nan gbaama-t gwεet bii tn her bii m̄embii hen.

#### Yeesu nnii t`gotiberma, t`tagaa n wii ka nyōhla tyen n Sangband

<sup>14</sup> Tn mad-n gwεet hen tiim t`rem faa-n mii nifi hirih', l`kōtōd na t`ba n \*gotiberma h̄a wak l`menguu n taa Sangband nongan. Wii nnii Yeesua, Sangband Budaaga. <sup>15</sup> T`gotibermwii ba n beer na h̄a nyaan t`figm t`gigdmn. L`n̄mεḡii n wun baaben ni wo ln n̄mεḡaa n tn lee, gwentah̄, wii ba he fubeh̄ga felah'.

<sup>16</sup> Tii kaa nnii tn ba t`bee t`nyōhlgm tyen n Sangband huraant jarga ka ba n daaḡb. Dii h̄ena-t hōmgu. Dii yul t`figm. D`ba d`t̄org-t vuugu kú mag kuun.

4.7 Ta nyaan 3.7-8 n 3.15. Gwεεtii ba Yum95<sup>9an</sup>.7-8.

He

## KRISTA GOTIIT

## Krist nii gotiberma, wii dahl há reba juuni

**5** <sup>1</sup> Bà rooda \*gotiberma baaben tiwu nidba huuga, há ka hena Sangband ηmεεγb bá n dn l`huuga neermn. Wii tɔɔ Sangband want ka hena \*vit fubehii kaa. <sup>2</sup> Wo wii mɔma nn ta ba gigdm lee, há ka bea ka hum n bá fiwdg n ka hena fubehii ka kpaá mi bee. <sup>3</sup> H̄an ba gigdm lee, hà kpaá hena vit tigr fubehii kaa n jah, hà ta hena welee há mɔm há fubehii kaa.

<sup>4</sup> H̄ii kpaá loɔ hayenwu gotiit. Bà sohda-t Sangband nufun wo \*H̄arooná nn da sohgd-t lee. <sup>5</sup> Krista mɔma ba lo hayenwu gotibermt, Sangband lo-wu-t. Dii da beda-wu na:

« Ven nii mà Budaaga.  
Na goorii n jahaa,  
man nii v`sa<sup>z</sup>. »

<sup>6</sup> L`ta bohoɔ há ret \*Wadbuudgan riikan na:

« Ba v`bem gotiiwu kakefnan  
\*Malkisεεdeka dela<sup>z</sup>! »

<sup>7</sup> Yeesua nn da ba tant h̄en lee, n h̄em seenb ka jobla Sangband ka mɔɔ kimm ka kuum nyanyaam. Biilm, hà da miil na d`ba n gemmnt na d`ree-wu kuumiin ka hà la kpi<sup>z</sup>. D`sohd há seenb l`bahr n na hà da hohlg hayen d`kwεen. <sup>8</sup> H̄an da la ba na Sangband Budaaga lee, há kpɛlɔ valgm ka tagaa n hà kunyɔɔɔ deb. <sup>9</sup> Welee nii Sangband nn da her há kit hɔmwu kpaalaa. H̄á kit bá vala-wu bee membee jugu dafb tia. Jugu dafbii bee kakefnan. <sup>10</sup> Sangband t hoh-wu na gotiberma, *Malkisεεdeka dela*.

## Sohdg-n nidmɔmba diit!

<sup>11</sup> T`ba n gwεet kɔd na t`biir l`h̄el welee gwεetii. Gwentah, l`bee-t gemm na t`werii-n t`kɔtɔd na n`kewiib hera gemm.

<sup>12</sup> Nyimlena n`ba na bermba, n`ka la h̄εɛɔ h̄ii na há weriim-n Sangband gwεet ban foogaa n kpɛlɔ tii. N`la h̄εɛɔ beheem, l`ba na nn ba n`h̄εɛɔm diit mɔmt. <sup>13</sup> ¿ H̄á h̄εɛma beheem n jah wii kpaɔ na kunidbugan? Welee nidwii kpaɔ hà bee hà sohgd weriib b`h̄el

5.5 Gwεetii ba Yum2<sup>gan</sup>.7.

5.6 Gwεetii ba Yum110<sup>gan</sup>.4.

5.7 Nyaan Matewa 26.36-46.

neerm m`ba sobb mii gwεet. <sup>14</sup> H̄á ju dihafrikaft wii lee, wii ba na nidmɔm nii. Wo welee tiwii nn la sakla hayen ka h̄ena l`jugun lee, l`ka sakla hà diila hà miigaa b`ba h̄om n b`kpaɔ h̄om bii.

**6** <sup>1</sup> Tii nii In ba na t`yaagr n nidmɔmba weriib weenn ka kpaá ta hila tyen Krista gwεet ban foogaa n kpɛlɔ tii jugun. Tii nii weriib b`h̄el neerm lagiib, n weriib b`h̄el h̄eb b`ked nidwu n kuumn bii, n Sangband h̄en tiim weriib, <sup>2</sup> n weriib b`h̄el \*nyaalm huurb jugu jugu n nifi deem, n kpiirma himtgm n yakaawrgu gwεet weriib. <sup>3</sup> Biilm, ka Sangband t si-t huru, nidmɔmba weriib jugun nii tn ba t`lo nɔmb.

<sup>4-6</sup> ¿ Ben nii b`h̄od bá ηmeta bá neerkpeemmn bee? Welee nidbee ta kpaɔ bà bee bà lagii bà neerm felah'. Bà sohgd Sangband wiinga, n l̄em sangbambiimn h̄omgu, n yuɔɔ \*Vohoom Buudm. Bà miig na Sangband gwεet ba lamεεgu l`kpaɔ jah'. Bà magii n yum tant t`kena n nɔngan tii gemmnt. Welee nidbee nn ηmeta bá neerkpeemmn lee weraa na bà ηmeta ka kpaɔ Sangband Budaaga \*dabrgr h̄en bayen bà kaa, ka diinaa-ka na bá suum-ka.

<sup>7</sup> Ka kpamb toɔɔ nn ni b`jugun heruf bii roon b`tiwu dikahh̄omt, Sangband t kaawl b`h̄en. <sup>8</sup> Gwentah, ka b`roon hint n mobeht, d`kɔhd-b. L`nyuh na bá gwεel nobefr b`jugun, In kee l`toglg-b n bii nii bogm todm.

<sup>9</sup> Teelhɔmba-n, ka t`la gwεela-n n welee, t`miil h̄om na n`ba jugu dafb huru jugu. <sup>10</sup> Sangband ba sobb, d`kpaɔ d`h̄ɔɔ n`ηmεεγb nn h̄ena bii, n soklb nn ba n d`hidrn bii. Welee weraa na n`tɔɔg bá ba na d`reba bee, n ka ked n nɔngan ka h̄ena welee. <sup>11</sup> Tn bag bii nii na n`ni baawena werii na hà ba keliigu kakefnan l`mengu difm, ka bo na nn daag b`h̄en bii membii he b`jugun. <sup>12</sup> Tii lee, daa la kitg-n waamba! Tagd-n bá ju kwεewr ka hahr gwεet h̄en tiimn bee nakpaɔ! Welee tiibee sohda bii Sangband nn da bed n dool na d`nan sahl bii.

He

## Daaγb b`ba b`jugun bii gwεet

<sup>13</sup> Sangband nn da bed n dool na d`nan sahl \*H̄abrahaamwu bii lee, n foorm n dyen d`hidrn na h̄ii da kpaɔ ka yatg-d na d`feer n hà hidrn. <sup>14</sup> D`bohoɔ na: « Maa mà gwεel nohɔmr v`kaa, mà he na v`yakii nan bem kɔd. » <sup>15</sup> H̄abrahaama t jum kwεewr n h̄od, welee nii h̄an sohgd bii Sangband nn da bed ka foor na d`nan sahl-wu bii.

<sup>16</sup> Nida nn foor lee, n ka foor n h̄ii hà yata-wu wii hidrn. Foorbii weraa na nida nn bohoɔ tii ba gobiint, bii rada gwεet nidba huuga.

<sup>17</sup> Foorb n nii Sangband nn sokl na d`werii bá nan sohda d`kegt bee na d`nan ta kpaá ñmëta dn mug bii jugun. Tii kaa nii dn hewl foorb bii dn da bed n dool na d`nan safl bii jugun. <sup>18</sup> D`hera welee l`kötöd na foorbii n bii dn da bed n dool bii kpañ lagiib. L`saa Sangband kpaá hogla felah'. Welee lee, ten fohnt d`man ten, l`sira-t ñmeenm kpaalaa na t`bee t`sohdg daagb dn nan sah-t bii niñi hirif'.

<sup>19</sup> Welee daagbii ba t`neermn wo koñu kú hëna na meel daa liguum nyaamn kuu. B`hafra ka ba b`jugun. B`jiba ka vontá dimgu ka taaa kaalanbuudga mómgan. <sup>20</sup> Ree nii Yeesua nn jib t`nongan ka kitg \*gotibermwu \*Malkisëdeka dela. Yeesu wii t ka ba t`gotibermwu *kakehnan*.

### Malkisëdeka gotiit yata Hãroona ret

**7** <sup>1</sup> \*Malkisëdeka da ba na *Saleem korgu huraa* ka ta ba na *Sangband móm* \*gotiin. Wii da tarj n \*Hãbrahaam n kaawl há hën há wen da kpena ka di huraamba jugun. <sup>2</sup> Wii nii Hãbrahaama nn da radg han da diir huraamba jugun n sohd bii tómb kwifr n to-wu myen.

Nooga sah, Malkisëdeka hidrii kötöd nii na huraa há ba sobb wii. Há ta ba na *Saleem huraa*, l`kötöd nii na nigiigu huraa. <sup>3</sup> Hii kpaá mi há jugun tiit, hii kpaá mi há sawu n há nya, hii ta kpaá mi há yandaa. Hii kpaá mi há neerm bahm, hii ta kpaá mi m`dihm. Hãn tón Sangband Budaaga lee, há kpat n ka ba na gotiiwu kakehnan.

<sup>4</sup> Lo-n nõmb n`nyaan nidwii bermta! Hãbrahaama nn da la ba na t`yandaberm lee, há rad want han da ba n tii mëntii tómb kwifr n to-wu myen. <sup>5</sup> L`ba na bá ba gotiiba \*Levia buudmn bee nii ban rada want tómb kwifr n to-ba myen \*Yisraheel tigrii mëndii huuga. Bá teelba momba do nii ban sohda. L`ba na bá momba ta rënn Hãbrahaama buudmn. Bà hëna welee l`magr n \*bahlb serju kuugu. <sup>6</sup> Malkisëdek wii lee, wii kpaá ba bá buudmiin, gwëntah, Hãbrahaama da radg want tómb kwifr n to-wu myen. Há ñmet n kaawl Hãbrahaama jugun. L`ba na Hãbrahaam nii Sangband nn da bed n foorm na d`nan hëna bii wii. <sup>7</sup> L`ta ba biilm na berma kaawla kaa hën. Ln ba nii.

<sup>8</sup> Levia yakii ba na nidban. Yisraheel tiiba t ka rada bá want tómb kwifr ka tó-ba myen, l`ba na bà nan kuuln. Malkisëdek lee, wii neera wo \*Wadbuudgan nn rea ka bõhõc lee.

<sup>9-10</sup> Na t`felg nan l`mënguü bõhõc, t`ba t`bee t`biir na Levia mómá da radg want tómb kwifr n to myen ka tagaa n há yandaa Hãbrahaama, l`ba na há buudmn tiiba sohda welee. ¿Lag há yandaa da radg há want tómb kwifr n to Malkisëdek wu myen? ¿Bá refdrbee nn da tarj n taa lee, bá nyin meed-wu?

### Krista ba gotiiwu Malkisëdeka dela

<sup>11</sup> Sangband to \*Yisraheel tiiba Mohiisa \*bahlb. Bahlbii figra \*Levia buudm gotiit hën. Ka Levia buudmn \*gotiibee ñmëëgb t da he hóm kpaalaa, ¿Ln ta ba l`gbaam gotijeenhii \*Malkisëdeka dela l`kpañ \*Hãroona *buudm ni*?

<sup>12</sup> L`ba na ban lagaa gotiit lee, l`ka ta ba na bá lagii bahlb. <sup>13</sup> Hii tn bõhõc há gwëet wii rën hujeenga kiigan, l`ba na huugeen tiifhii ban he \*vit vit dahña jugun felah'. <sup>14</sup> Wo tn mi hóm lee, t`Berma rën Yuudaa huugan. Mohiisa mómá ba gwëel gotiit gwëet felah l`hël welee huugee.

<sup>15</sup> Kpay-n nan gwelña Ln red wiingan ka t`log na l`lo gotijeenhii l`magr wo Ln da ta lo Malkisëdek lea! <sup>16</sup> L`ba lo-wu gotiit ka figr bahlb b`bõhõc na bá room \*gotiiba buudm miimn bii jugun. L`lo-wu-t ka figr neerm m`kpaá dihaa mii gemmnt jugun. <sup>17</sup> Biilm, l`bõhõc há hidrn na:

«Ba v`bem gotiiwu kakehnan

*Malkisëdeka dela<sup>Z</sup>!*»

<sup>18</sup> Tii lee, l`kpaii weem bahlb serju l`bahr n na b`da kpañ n gemmnt ka ba yem. <sup>19</sup> Bahlb ba bee na b`san n nidba bii b`ba hóm kpaalaa biin. Sangband t sahnt-t daaghõmb. Welee daagbii kaa nii tn bea ka nyõfla tyen n dn.

### Krist nii gotibermwu kakehnan

<sup>20</sup> L`saa Sangband t foorm ka hewla l`mënguü jugun. Gotivolbee mëmbee da sohgd bà gotiit, foorb kpañ kan. <sup>21</sup> Gwëntah Yeesu lee, wii sohgd há ret l`magr n Sangband nn da fëd d`wen da bed-wu na:

«Ba v`bem gotiiwu kakehnan!

*Man nii Saberma, mà fëdan.*

*Mà nan ta kpaá ñmetgna t`jugun<sup>Z</sup>.»*

<sup>7.17</sup> Gwëetii ba Yum110<sup>ñan</sup>.4.

<sup>7.21</sup> Gwëetii ba Yum110<sup>ñan</sup>.4.

<sup>22</sup> Welee saa na Yeesua bɛm na \*tuurnhɔmt mɔmt tia.

<sup>23</sup> Radgvolm ta bee. \*Gotiiba da bee kɔd, blaɸb kaa na kuum da kpa a safi-ba huru na bá hɛm bá gotiit ɲmɛɛgb kakefnan. <sup>24</sup> Yeesu lee, wii neera kakefnan. Há gotiit kpaɸ lagiib. <sup>25</sup> Tii nii han bea ka daɸ bá tagaa n wun ka nyɔɸla bayen n Saɲgband bee juuni kpaalaa. Biilm, wii neera kakefnan ka jobla Saɲgband bá hɛn.

<sup>26</sup> Gotiberm In da gbaama-t wii mɔm nii. Há ba buuda, ka ba n há nyɔnyɔgm, nakakeet kpaɸ há hɛn, ka dodg n fubɛɸtiiba, l' vii-wu n faaga há ka ba saɲgbambiim biimn. <sup>27</sup> Wii da kpa a boo gotibermvolbee. Bee lee, bee hɛna \*vit goorhee mɛnhee, nooga safi bá fubɛɸii kaa n nan tigr rei kaa. L' ba na wii hera vit ka vid há mɔmwu myenm welee n jaɸ'.

<sup>28</sup> ¿ \*Baɸlb bii hɛna laa? Bii loɔ nidba gotibermt ɲmɛɛgbn, bà ba gigdm. ¿ Saɲgband dii t hɛm laa? Baɸlb kaann nii dii nn fɛd ka loɔ dyen d' budaaga gotibermt ɲmɛɛgbn. Kee ba hɔmwu kpaalaa.

#### Krista ba na tuurnhɔmt mɔmt gotia

**8** <sup>1</sup> Kpaɸ-n nan gwɛɛt t' ba daɸt na t' biir-n tii! \*Gotiberma mɔm tn ba n wii nii. Há ba saɲgbambiimn ka kad huraant jargan Saɲgband najuudu hɛn. Saɲgband nii hurberma. <sup>2</sup> Yeesua hɛna kan ɲmɛɛgt \*Saɲgband haarn. Kaalaɲee nii suku mɔmgu Saberma nn fil kuu. Lag nida mɛɸra-ku.

<sup>3</sup> ¿ Lag gotiberm baaben tia ɲmɛɛgb nii na há tɔɔm want ban safi Saɲgband tii ka hɛna \*vit? L' ba nan daɸt na t' gotiberma ta bɛm n bii na há to Saɲgband. <sup>4</sup> Biilm, ka Krista t da kpaɸ tant hɛn, há da ta kpaɸ há bɛm na gotia mɛɸ', l' kɔtɔd na biiba fɛtg kaalaɲee loɲb n ka tɔɔ want Saɲgband l' magr wo \*baɸlb nn bɔɸɔ lee. <sup>5</sup> Welee gotiibee ɲmɛɛgb ba na bà tɔgaa-b tɔgiihu, b' ba na saɲgbambiimn gobiint want liliitn. L' boo \*Mohiisa. Há wen da bo na há fil \*Saɲgband suku lee wen, d' baɸl-wu ka bɔɸɔ na: «*Hɛ gemm na v' hɛ l' mɛnguu hɔm l' magr n bii man da werii-v ka ba duur hɛn bii!*»

<sup>6</sup> Gwelɲa nan lee, Saɲgband to Yeesuwu ɲmɛɛbermb b' yata Mohiisa reb. L' tag n wii le n lo \*tuurnhɔmt t' yata noogrtii. Tuurntii figra wanhɔmt t' yata noogrt Saɲgband nn da lo na d' nan safi tii hɛn.

#### Tuurnkpeemt n kwɛkwɛnt

<sup>7</sup> Ka tuurnnoogrt da kpaɸ n bɛɸgu kuugu, l' da ta kpaɸ l' bɛm daɸt na bá lagii-t n tuurnrefhɸrt.

<sup>8</sup> Saberma venaa há tigr nabiir ka bɔɸɔ na:

«*Kpaɸ-n! Goora kenan.*

*Mà kee mà lo tuurnkwɛɛnt*

*má n \*Yisraheel haar n Yuudaa haar l' huuga.*

<sup>9</sup> *Welee tuurntii kpa a kee t' bɛm*

*wo man da lo má n bà yandaba l' huuga tii,*

*goor man da soɸdg-ba \*Hejift tiiba nuhun dii.*

*Wo ban da ba san n nɔngan ka haɸr tuurntiin lee,*

*maa t ka kpa a geewa n bà wee.»*

*Saberma nn bɔɸɔ nii.*

<sup>10</sup> «*Welee goorhee kaann,*

*kpaɸ-n tuurnt man kee mà lo má n Yisraheel haar l' huuga tii!*

*Mà kee mà lo mà baɸlb bà diilan,*

*mà hɔr-b bá kwɛɛwan.*

*Mà kee mà bɛm na bá Saɲgband,*

*bee ba na mà tigr.»*

*Saberma nn bɔɸɔ nii.*

<sup>11</sup> *L' kpa a kee l' ta gbaam na*

*bá ni hii weriim ka bɔɸɔ há teel laa há tuur na*

*l' ba na há miig Saberma.*

*Bá mɛmbee kee bà miim-wu,*

*l' loɲ kaa kakefnan berma.*

<sup>12</sup> «*Mà kee mà yum bá higim.*

*Mà kpa a kee mà ta deer bá fubɛɸii gwɛɛt.»*

<sup>13</sup> Saɲgband nn bɔɸɔ *tuurnkwɛɛnt* gwɛɛt lee, l' bo na l' biir na d' He hera tuurnnoogrtii t kit kpeemt. L' ba na bii b' kpeema ka koɸla bii ta kpaɸ na bá da bà ta hee-b n bii.

#### Tuurnnoogrt kowt kpeemn

**9** <sup>1</sup> \*Tuurnnoogrt lee, t' da ba n baɸlb sent l' hɛl kowt n tant hɛn kaalaɲa bá kan seenɲa Saɲgband ree. <sup>2</sup> Suku da ba kaalaɲeen, bá radg-ku mreɸ n dimgu. Sika kana n kpel beel sukuu kaalaɲnoogrgreen. Kpooni ban safi Saɲgband hii dɛɛr kpeli hɛn. Ree nii ban hoɸ na kaalaɲbuudga. <sup>3</sup> Kú kaalaɲrefhɸrga da ba n

dimguu kaann, bà hofh ree na kaalanbuudga mómga. <sup>4</sup> Ree nii sika dahŋa nn da bee, bà totra kà ni nyab nyanyaam. \*Tuurnt kadakŋa da ta ba kan l' fiid-ka n sika. Kadakŋeen, sika sumga da ba kan ká ni ba diit t' ren n sangbambiimn tii. \*Haroona dabiir d' da toowr fiit dii da ta ba kan. Tanlalaga ln da hód tuurntii gwæet há jugun fee da ta ba kadakŋeen.

<sup>5</sup> \*Sangbantawdbermba da ba kadakŋee faaga bà bagt t' fiid kà laku. Lakuu hen nii ban da kpih vit jiim na l' waa fubehii. Welee weraa na Sangband ba kan. Gwentafh lee, lag gwelŋa nii tn ba t' biir-n b' ba kan bii membii kotód. <sup>6</sup> L' mēnguu nn da ba welee lee, \*gotiiba jiba goor wo goor sukuu kaalanŋoogrgreen ka hēna bá ŋmæēgb. <sup>7</sup> Gotiberma n jah jiba kaalanŋrefhrgreen bindn myen. Hā jiba kan ka mad \*vit jiim na hā si Sangband ka bo na l' waa fubehii ban her ka kpaá mi hii, há mōma rei n ta tigr rei.

<sup>8</sup> \*Vohoom Buudm weraa nan na kaalanbuudga mómgan dimgu ban wiig na nida bee hā jib kan ka sugnoogrguu nyi bee. <sup>9</sup> Welee ba na tōniib b' saa na t' hom b' gēta goona bii nii. L' bo na l' biir-t na want gotiiba nn sah Sangband tii n vit ban hēna-d tii kpaŋ n gemmnt na t' he na há hēna-t wii n biiba han hēna-t bá kaa bee kitg hōmba kpaalaa.

<sup>10</sup> Biilm, welee hēbii hela diit n daam n nan kowt jugu jugu t' higda nidwu tii. Welee kowtii hela tantntina hen want n jah'. Kowtii da ba t' bēm kakefnan Sangband nn da mug na d' da d' lagii l' bih lee wen n jah'.

### Krist nii hōmgu han daan-t n kuu gotia

<sup>11</sup> Krista daann. Wii nii \*gotiberm há sah-t hōmgu tn da ba t' sohđg kuu. Hā jib \*Sangband suku mómgun. Sukuu ba daft ka ba hom kpaalaa l' yata tant hen reku. Lag nida hera sukuu, l' kotód nii na kù kpaŋ na tant ln ree tii rekun. <sup>12</sup> Krista jib kaalanbuudga mómgan myenm ligah'. Lag butajunta n naabia jiim nii han da sir Sangband. Hāyen há mōma jiim nii han da sir-d. Welee nii han dafr t' juuni ka rea-t t' fubehii meniin myenm welee. <sup>13</sup> ǀ Naadaara n butajunta jiim n nan naabniira toom kpaá higda nidba gbani hen nakakeet? <sup>14</sup> Ka l' ba welee de, ǀ lan nii Krista jiim nn kpaŋ m' bēm daft l' yata na m' higdg t' diila n t' hēbbēhb? L' hēna welee na t' bee t' hēm Sangband ŋmæēgb. Dii neeran. Biilm, Krista vidra hayen hā mōmwu Sangband. Hā vitii kpaŋ nakakeet tiit felah'. \*Vohoom

Buudm da kpaŋaa-wu há wen da hēna welee ŋmæēgbii lee wen. Mii bee kakefnan.

### Krista vit kalgr tuurnkwæent

<sup>15</sup> Tii kaa nii Krista nn lo \*tuurnkwæent n ka kuu gwæet nidba n Sangband l' huuga. Hā kpiira na hā dah nidba bá da gwid bahlb kaawr ka ba tuurnnoogrt n bee juuni. Tii lee, biiba Sangband nn hofh bee beel bà sohđg kegt t' ba t' bēm kakefnan Sangband t lo na d' nan sahl tii.

<sup>16</sup> Nida ba hā bee hā for han bag na l' da l' bēm há kuum kaann lee wadga hā doolg. Ka l' ba na bá he wadgee n ŋmæēgb, há kuum kaann n jah' nii ban ba bà bee bà fee-ka n ŋmæēgb. <sup>17</sup> Wadgee ba daft há hód-ka wii kuum kaann n jah'. Kà kpaŋ n gemmnt tiit há hód-ka wii nyi neer. <sup>18</sup> Tii kaa nii tuurnnoogrt nn da kpaŋ t' bee t' bēm daft ka jiim da ba tēhđg. <sup>19</sup> Biilm, \*Mohiisa da kaala ka toola \*bahlb sentii mentii tigrii mendii nongan. Lee n l' kaan, há logm naabia n butajunta jiim n nyaalm n logm tōmōlm n ruruuga kiiga vaat n vefēe jiimiin n mēem wadgee hen sah le n ta mēem tigrii mendii hen <sup>20</sup> ka bōhō na: «*Binbii nii jiim m' hahla tuurnt Sangband nn gbaama na n' valgm tii.*»

<sup>21</sup> Hā ta mēem jiimii Sangband suku hen n kowt wantii mentii hen. <sup>22</sup> Bahlb bii bōhō na, want jiim nn kpaá higda tii kpaŋ tliit, l' saa, ka jiim ta ba tēhđg l' ta kpaá waa fubehii. <sup>23</sup> Ka l' ba nan na bá highm want ban tōgaa n gobiint want t' ba sangbambiimn tii, l' ta ba daft na bá highm sangbambiimn gobiint want mōmt ka tagaa n vidhōmt t' yata vontii.

### Myenm welee

<sup>24</sup> Biilm, Krista ba jib \*Sangband haar nidba nn mēfr diin, l' kotód na haarii ba na Sangband haar mōmr tōgiikahrn, kpaalaa nii. Krista jib sangbambiim mōmmn. Ree nii han bee ka rea hayen Sangband nongan t' kaa.

<sup>25</sup> Bind wo bind, \*gotiberma jiba kaalanbuudga mómgan n dom vit jiim. L' ba na Krist lee, wii ba lo-ku hayen na hā hēm vit ka lil. Hā logra hayen n vidm myenm welee. <sup>26</sup> Ka ln kpaŋm welee, l' da ba l' bēm na há hēhđg kunyōŋu deb tant reem daa. Gwentafh, na t' biir biint, hā daan myenm ligah' na hā kpii fubehii ka tagaa hā mōm hā vit gwelŋa, gokaawranhenan.

He



<sup>27</sup> Biilm, nid baaben tia ba hà kpi myenm n jafh'. Tii kaann hà jehnt Sangband nongan na d' yaa n wun. <sup>28</sup> Ta welee nii Krista nn vidr hayen myenm na hà kpil nidfigm fubehii. Tii kaann hà nan ree hayen rehdm na hà to bá hod hà daanm bee jugu dahb, lag na hà ta waa nidba fubehii.

### Bahlb gigdm n Krista vit gemmnt

**10** <sup>1</sup> Mohiisa \*bahlb da ba na kegt t' kena n nongan tii liliit n jahn. B' da kpaá tón bii n b' bee bii móm. B' ta kpaá b' bee b' he na hii hà nyohla hayen n Sangband wii kitg homwu kpaalaa ka tagaa n vidyent ban hena bind wo bind ka kpaá saa tii. <sup>2</sup> Ka welee da ba gobiint, nyimlana bá da hena \*vit bee t da saa-t hëb. Ln ba l' bëm na l' higrá bà fubehii myenm ligah', l' kotód na ln ta kpaá l' bëm na bà kohln.

<sup>3</sup> Biilm, vitii tora nidba na bá deedgm bá fubehii hën bind wo bind, <sup>4</sup> l' ba na naadaara n butajunta jiim kpaá n gemmnt tiit na m' kpil fubehga. <sup>5</sup> Tii kaa nii Krista nn da kena tant hën n bóhó na:

*« Vit ban hëna-v laa dikaht ban sah-v tii,  
lag bii nii.*

*Gwentah lee, v' móm-ma.*

<sup>6</sup> *Dóm ban kuu ka totra bogm laa,  
vit ban hëna na l' waa fubehii tii,  
lag tii nii vn bag.*

<sup>7</sup> *Lee, má bóhó na: "man nanah'.  
Mà yul bahlb wadgan man ba mà hëm bii.  
Mà kena v' man, mà Saberma.*

*Bii b' bee-ma loogu bii nii na mà hëm v' soklb<sup>z</sup>».*

<sup>8</sup> Hà bóhó sah na: « *Vit ban hëna-v laa dikaht ban sah-v tii, lag bii nii. Dóm ban kuu ka totra bogm laa, vit ban hëna na l' waa fubehii tii, lag tii nii vn bag.* » L' ba na bà hëna welee vitii wo bahlb nn gbaama lee. <sup>9</sup> Tii kaann, há ta lilm bóhó na: « *Man nanah', mà kena na mà he v' soklb.* » Welee werá na hà kpil nan vidnoogrt n nan kalgr há móm há ret.

<sup>10</sup> Tii lee, Yeesu Krista hera Sangband soklb ka vid hayen. Hà logra hà gbanu n to myenm welee ka higda t' fubehii. <sup>11</sup> Goorhee mënhee

10.5-7 Gwëetii ba Yum40<sup>9an</sup>.7-9.

nii gotibaaben tia nn jefr hà nakpaá jugun ka hëna há hmeëgb. Vidyentii nii han tó hëruh', l' ba na t' kpaá t' bee t' kpil fubehii felah'. <sup>12</sup> Krist lee, wii hera \*vit myenm n jafh fubehii kaa, n san n kad Sangband najuudu hën. Ree nii han bee kakefnan. <sup>13</sup> Gwelja, hà hoda na Sangband lo hà rafeedba hà nakpai kwëen na hà nawdr-ba<sup>z</sup>. <sup>14</sup> Hân logr hayen n vidm myenm ligah' lee, n hëm na biiba han higda bá fubehii bee kitg homba kpaalaa kakefnan. <sup>15</sup> \*Vohoom Buudm ta bóhó ka higaa-t welee. M' bóhó nooga sah na:

<sup>16</sup> *« Welee goorhee kaann,  
kpay-n \*tuurnt  
man kee mà lo má n \*Yisraheel haar l' huuga tii!  
Mà kee mà lo mà bahlb bà diilan,  
mà hór-b bá kwëëwan.»  
Saberma nn bóhó nii.*

<sup>17</sup> L' saa m' ta lilm bóhó na:

*« Mà kee mà yum bá higm,  
mà kpaá kee mà deer bá behgu n bá fubehii l' gwëet.»*

<sup>18</sup> Ka l' waa fubehga kiiga, ¿ l' ta gbaama na bà to bii fubehgee kaann?

### GWËËT HËN TIIM N M' NONGAN KËNA

#### Daa gwid-n n' daagb kaawr!

<sup>19</sup> Teelba-n, welee lee, t' miil hom na Yeesua vit jiim sahl-t huru na t' jib kaalanbuudga mómgan l' kpaá gemm. <sup>20</sup> Wii rawda-t huru, hù keda ka vonta dimguu. Hurhuu ba kwëlu, hù neeran. Hùu nii há gbanu. <sup>21</sup> Welee nii ln her t' ka ba n \*gotibermwu Sangband haar mómrn.

<sup>22</sup> Tii lee, tn nyohlgm-n nan tyen n Sangband ka ba n kwëwhóm, t' gwëet hën tiim ba kpaalaa, l' hig t' ni bii b' da kohla-t bii membii, ka ta hig t' gbani n nyaalm m' ba \*kel kel mii. <sup>23</sup> ¿ Sangband kpaá hëna d' gwëet jugu ni? Tn kpat t' mad-n nan gerah daagb tn rea ka bóhó b' ret bii! <sup>24</sup> Tn loóm-n taa hën nóm ka sah taa hmeenm na baawena soklm há tuura ka ta bea ka hëna hmechómt!

10.12-13 Gwëetii ba Yum110<sup>9an</sup>.1.

He

<sup>25</sup> Tn daa jɔhm-n t' kpaturi wo ln miil n biiba bá ka hɛna lee!  
 ¿N' kpaá yu na Saberma goor nyuhmann? Tn sahm-n taa nmeenm!

<sup>26</sup> Ka t' tii na Gohomt nn bɔhɔɔ tii ba gobiint n nmet n ka hɛna fubɛfɛga ka mi, vit tiit ta kpaɛ welee fubɛfɛgee kaa. <sup>27</sup> B' tɔl-t bii nnii na t' hɔd yakwɛgdgu n boglaberrm m' kee m' bugdr bá vida Sangband hɛn bee mii.

<sup>28</sup> Ka hii ba valg Mohiisa \*bahlb, *nidba bareh laa batah t hig na hà kohln, bá kuum-wu* ka kpaá yu há figm. <sup>29</sup> Ka l' ba welee de, hii hà nim Sangband Budaaga n kohl \*tuurnt kan tag n kà jiiim n lo tii wii, ¿n' diila na wii tobr darm kpaá kee l' bɛm fobɛfɛgu l' yata? ¿Lag jiiimii da higdg-wu? ¿Hà ba suudg \*Vohoom Buudm nnii? ¿Lag mii hɛna-t hɔmgu? <sup>30</sup> ¿T' kpaá mi Sangbandn? ¿Lag dii beda na: *D' kee d' teew n' hoodr, l' saa d' to baaben tiiwu hà fat?* ¿D' ta ba biir na *dii nnii Saberm na d' kee d' yaa d' tigr n yaagu?* <sup>31</sup> Biilm, dii neeran. L' ba fobɛfɛgu na d' yaagu lor nida jugun.

<sup>32</sup> Deedg-n b' da getg n nn weem bii! ¿N' da ba sohdg Sangband wiinga goorheen n jum kunyɔɔ kɔd? N' da bee n mug hɔm n tam hoodr. <sup>33</sup> Liilawen bà da suul n' ni biiba ka hɛna-ba dad dad kɔrgu nɔngan. Liilawen n' ni biiba ta ba kɛlligu ka tɔra ban da hɛna welee bee. <sup>34</sup> N' nyana sarga tiiba kunyɔɔ. Ban da fɛɛr n' nihin lee, n' tii ka ba nyaaǵbn na n' bɔrii n' kwɛgdm ka mi hɔm na n' kee n' yuug kwɛgdm m' ba hɔm ka yata ka ba ka bɛm kakefnan.

<sup>35</sup> Daa la bɔrii-n nan daaǵb nn ba n bii, l' kɔtɔd na fadbermt hɔda-n. <sup>36</sup> L' gbaama-n nan na n' hafr ka hɛna Sangband soklb le n' sohdg Sangband nn lo na d' nan hɛna-n bii. <sup>37</sup> Biilm, l' hɔda na:

*L' goda jah', jah yem na*

*há ba hà daan wii daan.*

*Hà kpaɛ hà hilg daanm.*

<sup>38</sup> Sangband bɔhɔɔ na:

*«Homa nan ba hà neer n gwɛɛt hɛn tiim.*

*Gwentah, ka há nmetg kaawr,*

*há loogu riir-ma kpaalaa<sup>z</sup>.»*

<sup>39</sup> Ten lee, tii kpaá ba na ten nnii *bá nmetá kaawr* ka helaa ka boor bee. T' ba na *gwɛɛt hɛn tiim tiiba* ka ba jugu dafb huru jugun.

**10.38** *Homa ba hà neer n gwɛɛt hɛn tiim.* Baa bà bee bà ta hom na *há gwɛɛt hɛn tiim ba sobb wii nan ba hà neer.*

### Tuurnkpeemtn tiiba gwɛɛt hɛn tiim

**11** <sup>1</sup> Gwɛɛt hɛn tiim nnii na v' tiim na vn daag b' hɛn bii bee. Ta mii nnii gobiint ban tia t' hɛn ka kpaá yu tii. <sup>2</sup> Weem daa nidba gwɛɛt hɛn tiim kaa nnii Sangband nn da sohdg bà diila.

<sup>3</sup> Gwɛɛt hɛn tiim kaa nnii tn miigaa na Sangband gwɛɛt lo want hɔm t' tagan. Welee nnii ln ree ban yu bii ka tag n ban kpaá yu bii.

<sup>4</sup> Gwɛɛt hɛn tiim kaa nnii Hábɛɛla nn da her \*vit Sangband t' ba hɔm kpaalaa ka yata \*Kayiina ret. Sangband nn da sohdg han da sir-d bii lee, n ree n bɔhɔɔ na wii nnii hɔma, hà gwɛɛt hɛn tiim kaa. Ln la ba na hà kpiiran lee, há gwɛɛt hɛn tiim kaa nnii han la gwɛɛla n jana.

<sup>5</sup> Gwɛɛt hɛn tiim kaa nnii ln loqr Henook n kol n faaga na há daa kpi. *Hii da ba nyaan-wu felah', l' kɔtɔd na Sangband da kolg-wu kakefnan d' man.* Há kolgm gwɛɛt, \*Wadbuudga rea ka bɔhɔɔ-t na: *Hà da ba Sangband loogu.* <sup>6</sup> L' ba na ka hii kpaɛ n gwɛɛt hɛn tiim, hà kpaɛ hà bee hà bɛm Sangband loogu felah'. Biilm, ka sug na nida nyɔhlg hayen n Sangband, l' ba daft na há tiim na d' bee, ka ta tia na d' faada bá bag-d bee.

<sup>7</sup> Sangband da bahl \*Nowee l' hel b' da ba b' getg bii, n bii hii nn ta kpaá yu sah bii. Há gwɛɛt hɛn tiim kaa nnii han da tii na Sangband nn bɔhɔɔ tii ba gobiint n kpaɛm kadakru. Kuu ni nnii ln da dafr wú n hà haar l' jugu. Welee nnii han da werii na tant hɛn nidba kohln, Sangband t loqm-wu na hɔma hà gwɛɛt hɛn tiim kaa.

<sup>8</sup> Gwɛɛt hɛn tiim kaa nnii Hábɛɛla nn da valg Sangband hoft n vid há kɔrgu ka ked kɔrgu Sangband nn da bed na d' nan sahl-wu kuun. Hà da nyab ka kpaá mi há kan ked ree. <sup>9</sup> Gwɛɛt hɛn tiim kaa nnii han da san n ka neer wo saana tant Sangband nn da lo na d' nan sahl-wu tii hɛn. Hà da gool sugtn wo \*Yishaakwu n \*Yakooba. Bà da ta ba bà sohdg tant dn da bed n foorm na d' nan sahl-wu tii.

<sup>10</sup> Biilm, hà da hɔda kɔrgu kú boboga hafr kuu. Sangband maantr n mɔhm-ku. <sup>11</sup> Gwɛɛt hɛn tiim kaa nnii Hábɛɛla nn bee n ka ba na san, l' ba na há bina getg welee. Há fɔg \*Saraa mɔma da ta kpaá maad<sup>z</sup>. Hà da miil hɔm na Sangband ba d' mad dn da bed

**11.11** *Gwɛɛt hɛn tiim kaa nnii Hábɛɛla nn bee n ka ba na san, l' ba na há bina getg welee. Há fɔg Saraa mɔma da ta kpaá maad.* Baa bà bee bà ta hom na *Gwɛɛt hɛn tiim kaa nnii Saraa nn bee n ka ba na nyan, l' ba na há bina getg welee. Há mɔma da ta kpaá maad.*

He

ka foor-wu tii. <sup>12</sup> Tii kaa nnii ln tag n nidbilma wee há nyufh kuum, nidfigm t rorm há buudmn *ka kpañ kaalb wo sangbambiimn n̄m̄edii laa nyaam maaru gwihiiim*.

<sup>13</sup> Bá m̄embee da kpiidr ka ba n gw̄eet h̄en tiim, gw̄entaf̄ ka ba sohdg want ln da lo na bá da ba sohdg tii. Bá yum-t̄ ka ba v̄okun n miig h̄om na tii nnii, ka ta mi na bà ba na *saanban ka daan yaku tant h̄en*. <sup>14</sup> Bà da gw̄eela welee l̄ weraa h̄om na bà bagl k̄orgu kuugu, l̄ k̄otod na bà tia na h̄ii hà lo na hà nan h̄ena-ba bii wii mada hà gw̄eet. <sup>15</sup> Ka bá da kom bayen l̄ bahr n k̄orgu ban da red k̄u ni kuu, nyimlena l̄ da si-ba huru na bá n̄metg k̄u ni. ¿Laa bee? <sup>16</sup> Na t̄ biir biintii, bà da f̄eba ka bag k̄orjeengu k̄u ba h̄om ka yata, kuu nnii sangbambiimn reku. Tii kaa nnii Sangband nn kpañ n jiw̄hi na bá h̄ofm-d na bá Sangband. Biilm, d̄ manyii-ba k̄orgu kuugu.

<sup>17</sup> Gw̄eet h̄en tiim kaa nnii H̄abrahaama nn da loqr \*Yis̄haak na hà vid, Sangband nn da tarm-wu lee wen. H̄à da tii na hà to-d hà budaaga kayengee ln da la ba na d̄ lo na d̄ nan h̄ena-wu bii lee. <sup>18</sup> D̄ da beda-wu na l̄ kee l̄ tag n *Yis̄haak le hà buudm neer*. <sup>19</sup> H̄abrahaama da miil h̄om na Sangband ba n gemm̄nt na d̄ himiim k̄piirm̄ba. Tii kaa nnii dn da n̄melg-wu hà bugee, welee t ka boo kuumn himtgm̄n.

<sup>20</sup> Gw̄eet h̄en tiim kaa nnii Yis̄haaka nn da kaawl \*Yakoobwu n \*H̄esaaw bá h̄en l̄ h̄el bá su kaa neerm.

<sup>21</sup> Gw̄eet h̄en tiim kaa nnii Yakooba nn da ta kaawl \*Yoosefa bii h̄en kayen kayen. H̄à da hera welee ka nyufh kuum. *H̄à hig há dabiir h̄en n doot Sangband tin̄an*.

<sup>22</sup> Gw̄eet h̄en tiim kaa nnii Yoosefwii nn da faa \*Yisraheel bii na h̄i kee h̄i riir \*H̄ejift tantn, lee n to wad ka b̄oh̄ōo ban kee bà h̄e hà kowa lee. H̄à da hera welee ka nyufh kuum.

<sup>23</sup> Gw̄eet h̄en tiim kaa nnii \*Mohiisa reba nn da k̄p̄h̄dr-wu hà kaamn. Bà da meedra-wu n k̄p̄h̄dr-wu yelmaa kakeh̄nan kidii hitaf̄, l̄ k̄otod na bugee da ba kw̄eelm l̄ kpañ jah'. Bà da ba siil huraa noor m̄eñ'.

<sup>24</sup> Gw̄eet h̄en tiim kaa nnii, Mohiisa nn da berj lee, n kirm na hà kpaá bag na bá h̄ofm-wu na *Farhoa b̄eera kw̄eela*. <sup>25</sup> H̄à yum na l̄ ba h̄om na bá dadrm-wu wú n Sangband tigr n ln ba l̄ b̄em na há way bii b̄ kpañ b̄ hiidg ka neer fub̄efgan lee. <sup>26</sup> H̄à da s̄okl na bá nim-wu Krist Sangband nn bantg wii dela. Welee da bee-wu

daft l̄ yata H̄ejift tantn keḡt. Biilm, hà da lo hà n̄omb fat t̄ kena n nongan tii h̄en.

<sup>27</sup> Gw̄eet h̄en tiim kaa nnii Mohiisa nn da nyab H̄ejift tantn. H̄à da bahra hà noor tuuu, wo mina hà yul Sangband, l̄ ba na h̄ii kpaá yuu-d. Tii nnii h̄an da la ba siil huraa kw̄eewweerga m̄eñ'. <sup>28</sup> Gw̄eet h̄en tiim kaa nnii h̄an da bed bá jum \*Ḡetgm̄ kasant n m̄em̄ j̄iim haȳhee m̄en̄fee fiid noora h̄en na kuum \*sangbantumta daa bee hà ku Yisraheel budanoogrii.

<sup>29</sup> Gw̄eet h̄en tiim kaa nnii \*Yisraheel tiiba nn da m̄ewdg nyaam ban h̄of na \*Nyam̄olm̄ mii wo tankparmt, l̄ ba na H̄ejift tiiba nn da tagdna-ba n magii na bà ta m̄ewdg lee, l̄ n̄m̄eñe-ba.

<sup>30</sup> Gw̄eet h̄en tiim kaa nnii Yisraheel tigr nn da loqr goora halbleh̄ ka bida n Yerikoo k̄orgu, kú dabid t luurm.

<sup>31</sup> Gw̄eet h̄en tiim kaa nnii yaruut Raħaaba nn da sohdg bá da daan na bà wagii k̄orgu h̄en bee h̄om. Tii kaa nnii h̄an da ba kpi wú n bá da vidg Sangband h̄en bee.

<sup>32</sup> ¿Mà ba mà ta biir nan na la? Huru kpañ-ma nan na mà gw̄eel-n Gidh̄oonwu n Baraakwu n Sams̄oonwu n Yeftaawu n \*Daviidwu n Samuheelwu n nan \*gw̄eet b̄oh̄ōōta gw̄eet. <sup>33</sup> Bá gw̄eet h̄en tiim kaa nnii ban da her want jugu jugu. H̄ii da diira tiga jugun, vola t h̄em b̄ ba s̄obb bii. H̄ii t sohd Sangband nn da bed na d̄ nan sahl bii, vola t mud diid̄t noora. <sup>34</sup> Biiba t kuum boglam gemm̄nt, volba t fet hoodjuuga noon. L̄ gbaad volba b̄ef̄ii, volba ba na hoodwamtba n dee tigs̄aana tawdba. <sup>35</sup> Gw̄eet h̄en tiim kaa nnii f̄oḡba nn da nyan bá k̄piirm̄ba t himtg n n̄met bá man.

Volba lee, bá dadr-ba. Bà da kida na bà kpaá bag na bà fetg ka bo na bà bee bà sohdg bii b̄ ba h̄om l̄ yata bii. Bii nnii k̄piirm̄ba himtgm̄.

<sup>36</sup> Bà da lahra volba ka gbuu-ba hufi, n kpañm-ba kona n lo-ba sargan. <sup>37</sup> Bà da lodra biiba tana ka kuu-ba, n sohm volba gidr gidr, n h̄em volba dad dad, n kuum volba n hoodjui. Volba da yoh̄wa yoh̄ yoh̄ ka yoh̄r buri n fei gbant, ka ba haluugan kpaalaa. Bà da nima ka dadra-ba, <sup>38</sup> l̄ ba na tant m̄omt da kpaá magr na t̄ sohdg-ba t̄ h̄en. Bà da yoh̄wa rena n rena tankparmt̄n n duuran, ka go fiit huuga n vatn.

<sup>39</sup> Welee nidbee gw̄eet h̄en tiim kaa nnii Sangband nn da sohdg bà diila. Gw̄entaf̄, bá ni h̄ii ba sohdg Sangband nn da bed na d̄ nan sahl-ba bii. <sup>40</sup> Sangband da maantr t̄ m̄embee bii h̄omb l̄ yata, tii kaa nnii dn da ba s̄okl na bá kitg h̄omba kpaalaa t̄ kpañ kan.

He

## Solm-n ka hafla ñyen n tarmga!

**12** <sup>1</sup> Ten lee, wo welee nidbee mɛmbee nn jefr t` kaa ka kaadg-t rena n rena lee, tn kofhdg-n nan bii b`yata-t jeegu bii n nan fubɛhga na t` kpaá hila ká ni lɔɔb! Tn solm-n gwɛɛt hɛn tiim huru jugun ka hafr na t` bee t` taai! <sup>2</sup> Tn solm-n ka lo t` nɔmb Yeesua hɛn! Wii rawdg-t gwɛɛt hɛn tiim huru n ka hɛna t` kita hɔmba kpaalaa. Wii mɔma tii n jum kunyɔŋu n kuum \*dabragr hɛn ka nima jiwɛhi hí da ba hì kpal-wu kuumii kaa hii, l`kɔtɔd na hà da hugl n nyaagb l` bafr n bii b` da hɔd-wu bii. Gwelŋa lee, hà kada Sangband huraant jarga najuudu hɛn.

<sup>3</sup> Diilgm-n há hɛn! Fubɛhtiiba vidg hà hɛn kpaalaa, há la tii n sohd welee. Lee, l` daa saa na l` hadg n`kpamiin n`bɔrii ŋmeenm! <sup>4</sup> ¿ N`nyin teewra hoodr n fubɛhga kakehnan na n`kpa? <sup>5</sup> ¿ N`hɔŋ Sangband nn da bafn-n wo sa nn bafla hà bii leen? D` da beda na:

*«Mà buga, daa nim Saberm man mà nyagdgm!  
Daa bɔrii ŋmeenm mà wen daraa v`toɔr lee wen!*

<sup>6</sup> *Biilm, Saberm man,  
mà nyagda hii man sɔkla wii,  
ka ta daraa hii man log na mà buga wii toɔr.»*

<sup>7</sup> Tiim-n ka ju kunyɔŋu d`nyagdgm kaa! D`hɛna-n welee na dn log-n na d` bii l` kaa. ¿ Buga kiiga ba rii ká sa kpaá nyagda-ka?

<sup>8</sup> Biilm, ka Sangband kpaá nyagda-n wo dn hɛna d` bii lee, n`kpaá na d` bii mɔmiin, n`ba na buyuumntn.

<sup>9</sup> Mà haaraa waa, ¿ t` reba da kpaá nyagda-t? Ban da hɛna-t welee lee, ¿ t` kpaá vala-ba? Ka l`ba welee de, ¿ t` kpaá t` hɔhlgm tyen t` Sa há ba Sangbambiimn wii tiŋa l` yata ka bo na t` yuuj neerm? <sup>10</sup> T` reba bee da nyagda-t wo bee nn diila lee, l`ba na l` kpaá l`hiidg. Sangband lee, dii nyagda-t l` bafn n na d`bagl t`hɔmgu, ka bo na t` neer ka ba buudba d`dela.

<sup>11</sup> Biilm, bá wen nyagda nid lee wen, l` kpaá sah-wu nyaagb, l`ka sah-wu wiiru. Gwentaŋ, kaann lee, nyagdgmii maantra hii hà sohda-m wii, l`saa na há yuuj neerhɔmm hà neer nigiiŋun.

<sup>12</sup> Tii kaa nnii ln bed na: *Vii-n n`nihi hí ba yem belah gemmtn kpaá hii! Hafng-n n`dina hà ridwa hee!* <sup>13</sup> *Tagd-n huri hí ba tif hii ka bo na kparwa nakpanja daa haŋ, lee, na l`hel l`gbaad-wu.*

## Neer-n neerhɔmm!

<sup>14</sup> Hɛm-n gemm na n`neer nigiiŋun n baawena! Ked-n n nɔngan ka berŋa n`buudt neermn! Há kpaá welee wii nan kpaá yu Saberma nɔnga. <sup>15</sup> Bɛm-n baw na n`ni hii da ber n Sangband hɔmgu! N`huuga hii daa kitg wo mobɛhgu kú ror kù rafm kɔhla ka kuu nidba kɔd kuu!

<sup>16</sup> Hii daa la neer joojooneerm ka nima wanbuudt wo \*Hesaawa nn da her lee! Diit n jaŋ kaa nnii han da gweedm hà maat. <sup>17</sup> N`miil hɔm na kaann, há sa da kida-wu há wen da bag na há kaawl hà hɛn lee wen. Han da la kuum lee, hà ba bee na hà he na há sa lagii diila han da mug hee.

## Huraant t`kpaá damb tii

<sup>18-21</sup> \*Yisraheel tiiba nyɔhlg bayen n bii ban ba bà bee bà tarm bii. Bà nyɔhlg bayen n \*Sinaayi duur d`hulwa n bogm, n wadr d`da hɔfntn n ka jil kpimm dii, n nyeet, n hamr, n muulŋa ká nyamra kee, n nan noor d`faa gwɛɛt dii. L`dam biiba bá da homr welee noorii bee, bá jow ka bɔhɔɔ na hii daa mɔɔg-ba tiit bɔhɔɔb, l`kɔtɔd na bà kpaá bà bee bà sohdg wadii. Noorii da bɔhɔɔ na: *Hii há kee hà tarm duarii wii, bà lɔd-wu tana bà kuu-wu, ka la dɔm mɔmm.* B`da geta bii da ba fobɛhgu l`kpaá jaŋ'. \*Mohiisa mɔma t ka toola na «*fobɛhgu kura-ma má ka defra.*» Nen de, ¿ n`nyɔhlg ñyen n welee wantii?

<sup>22</sup> Haa! N`nyɔhlg ñyen n \*Siyoon duur n nan Sangband kɔrgu. Dii neeran. Kɔrguu nnii sangbambiimn Yerusalem, kú ni ba \*sangbantumtba bà kpaá kaalb. <sup>23</sup> N`ta nyɔhlg ñyen n kpaturu fú kpogl taa n ka ju kasant huu, budanoogrii kpaturu ln hɔd hì hida sangbambiimn hii. N`nyɔhlg ñyen n Sangband. Dii yaa nidba mɛmba n yaagu. N`nyɔhlg ñyen n nidhɔmba vohoom m`kitg buudm kpaalaa. He

<sup>24</sup> N`nyɔhlg ñyen n Yeesua. Wii nnii t`gokuuda. Sangband tag n wii n lo \*tuurnkweent t`n dn t`huuga. Biilm, há jiiim ln mɛer mii ba daft ka yata Hɛbɛɛla rem. <sup>25</sup> Mug-n nan ñyen hɔm! Daa la kir-n na n`kewlg há gwɛɛla-n n wii! Mohiisa nn da bafn Yisraheel tiiba tant hɛn bá kirm lee, ¿ bà da fetg tobr darm nufu ni? Ka l`ba welee de, ¿ lan nnii tii nn kee t`fetg tobr darmii nufun ka t`gwidaa há gwɛɛla n tn ka ba sangbambiimn wii kaawr?

<sup>26</sup> Weem, há noorii da dam tant. L`saa gwelŋa há ka bɔhɔɔ na *hà ba hà lil tant damb. Lag tii n jaŋ, na sangbambiim mɛh'.* <sup>27</sup> Gwɛɛt

han bɔhɔɔ na *hà kee hà lil* tii weraa na want ln ree tii kee t' dam t' bɔr, ka bo na b' kpañ b' bee b' dam bii n jañ bɛm. <sup>28</sup> Wo tn kee t' sofdg huraant t' kpañ damb tii lee, tn mad-n nan welee hɔmguu hɔm! Tn hɛm-n nan Sangband ɲmɛɛɔb n valgm n fobɛhgu wo ln magr n dn lee! <sup>29</sup> Biilm, t' Sangband ba na *boglabermm m' bugda l' mengu mii* nnii.

### Hagla jugu jugu

**13** <sup>1</sup> Ked-n n nɔngan ka sɔkla taa vol wo vol teelba dela! <sup>2</sup> Daa hɔɲiim-n na n' sofdgm saanba hɔm! Biilm, biiba da hɛra welee n sofdɔr \*sangbantumtba ka kpaam mi.

<sup>3</sup> Deer-n bá reewr sargan bee ret wo l' biir na n' n' ban n' reewran! Ta deer-n bá reba hɛna dad dad bee hɛn wo l' biir na nen nnii ban dadra!

<sup>4</sup> Baawena valgm yaala! L' saa daawwu n há fɔg bá mad bayen hɔm! Biilm, Sangband kee d' dar yaruutba n bá neer yɔh bee tobha.

<sup>5</sup> Daa la dɛɛr-n liɔbiir kaa! Gwentah lee, bii nn ba n gwelɲa bii sahm-n nyaagb! Biilm, Sangband mɔmr beda na: «*Mà kpaam kee mà saa-v, mà kpaam kee mà gwid-v kaawr felah'.*» <sup>6</sup> Tii kaa nnii tn ba t' bee t' bɔhɔɔm ka ba n daagb na:

*Saberm nnii hii hà tora-ma.*

*Mà kpañ mà solm bii fobɛhgu.*

*¿Bɛfteku nnii nida nn ba hà bee hà hee-ma<sup>z</sup>?*

<sup>7</sup> Deer-n n' bermkpeemba bá da faa-n Sangband gwɛɛt bee hɛn! Deedgm-n ban da neer kakefnan bà kuum lee! Tɔgiim-n bá gwɛɛt hɛn tiim!

<sup>8</sup> Yeesu Krista nn da ba dindiin lee, welee nnii han ta ba jana, ka ta ba hà bɛm yenmii kakefnaan. <sup>9</sup> Daa la saam-n na weriib biib b' rɔta n gwɛɛt hɛn tiim bii fiwlgm-n! L' ba hɔm na l' tagiim n Sangband hɔmguu ka hahla-n, lag na diit tiit gwɛɛt kaa. Bá tagd welee gwɛɛtii kaa bee kpañ n waym miim felah'. <sup>10</sup> T' ba n \*vit dahɲa. \*Gotiiba lee, bee hɛna bà ɲmɛɛɔb suku kwɛɛn, l' kpaam sañ-ba huru na bá way t' vit dahɲee hɛn bii, <sup>11</sup> l' kotɔd na bà totra dɔm ban hɛr n vit mii *barsi kaann*. Dɔm ban lɔg n hɛm vit fubɛhii kaa mii jiim n jañ nnii gotiberma nn ked n kaalanɲuudga mɔmgan. <sup>12</sup> Tii kaa nnii Yeesua

13.6 Gwɛɛtii ba Yum118<sup>ɲan</sup>.6.

nn kpiir ta kɔrgu kaann, ka bo na hà higdg tigr fubɛhga ka tagaa n hayen hà jiim.

<sup>13</sup> Tn ked-n nan n' hà weenn *ka ror kɔrgun* ka tia na bá nim-t há dela! <sup>14</sup> Biilm, t' kpañ n tant hɛn gbalanɲa ká bee kakefnan kee. Kɔrgu kú kena n nɔngan kuu nnii tn bag. <sup>15</sup> Tn *yuum-n nan Sangband yumii* hɛruh ka hoh d' hidr ka tagaa n Yeesua! Tii nnii *vit<sup>z</sup>* t' magr na t' tɔɔm-d. <sup>16</sup> Daa hɔɲ-n na n' hɛm hɔmguu ka ta tora taa vol wo vola! Welee *vitii* beel Sangband loogu.

<sup>17</sup> Valgm-n n' bermba ka hohla ɲyen bá kwɛɛn! Biilm, bà kiiga n' hɛn ka mi hɔm na Sangband nan yaa n ban ban hɛr bii jugun. Saam-n na bá hɛm bá ɲmɛɛɔb ka ba nyaagbn! Daa hee-n na bá hɛm-b ka nyeera! Welee kpañ l' tɔrg-n bii.

<sup>18</sup> Seeɲm-n t' hɛn! T' miil hɔm na t' rarmn ba hɔm, l' kotɔd na t' bagl na t' neer hɔm l' mɛmɛnguun. <sup>19</sup> Mà gbaama-n nan ka figr na n' seeɲm mà hɛn, ka bo na Sangband saa na mà ɲmɛtgn n' man weem.

### Seeɲb

<sup>20</sup> Sangband sahl nigiiigu. Dii himii t' Berm Yeesuwu kpiirmba huuga há kit d' \*fɛɛbii kimtberma ka tagaa n hà \*vit jiim. Mii hahla \*tuurnt t' bee kakefnan tii. <sup>21</sup> Sangband sahm-n gemmnt na n' beem ka hɛna hɔmguu mɛngu ka bo na n' hɛm d' sɔklb. D' he t' ni b' bee-d hɔm bii ka tagaa n Yeesu Krista! Dii hehl n nyɔkb kakefnan. L' bɛm welee!

<sup>22</sup> Teelba-n, mà fɛla-n ɲmeenm gonyiigankena hoorb nnii. Sofdg-n-ka n kwɛɛwdoolgm! Mà hɔora-n-ka ka hewla tintii. <sup>23</sup> Miim-n na bà rawdg t' teel Timoteewu sargan! Ka há taan weem, má n wun t' kee t' daan mà nyaan-n.

<sup>24</sup> Seeɲ-n n' bermbee mɛmbee n biiba bà ba na Sangband reba bee mɛmbee! T' teelba bá ba Hitaalii bee seeɲa-n.

<sup>25</sup> Sangband hɔmguu bɛm n' mɛmbee n' man!

13.15 Gwɛɛtii ba Yum50<sup>ɲan</sup>.14,23.

He